



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Evangelistarivm M. Maruli Spalaten. opus vere
euangelicum, sub fidei, spei & charitatis titulis in septem
libros partitum**

Marulić, Marko

Coloniæ, 1532

VD16 M 1298

De ecclesia fide fundata. cap. 6.

urn:nbn:de:hbz:466:1-35578

bor non sit irritus, crede deo, non hominibus, apostolis, non philosophis, ecclesie dei, non diaboli synagoga, cum filius dei dicat. Omnis plantatio quam non plantauit pater meus caelestis, eradicabitur, hoc est, omnis religio, omne dogma, quod alio praeterquam deo autore inductum fuerit, diu stare non poterit.

De ecclesia fide fundata.

Cap. VI.

Per hanc ergo fidem diuinitus nobis reuelatam aedificata est ecclesia supra firmissimam petram Christum, dei filium, dominum nostrum. Si fideles simus ipsi sanctae dei ecclesiae, cuius caput est Christus, membra corporis Christi sumus. Qui autem non credit ecclesiae, nec potestati eius subiicitur, ille abscisus & abiectus est, atque cum mortuis computatus, nisi forte poenituerit eum erroris, ac rursus per fidem iunxerit se ecclesiae, mandataque eius perfecerit. Solo enim fidei glutino corporis huius membra ferruminantur, spe firmantur, charitate perficiuntur. Igitur quicquid catholicae apostolicaeque ecclesiae recepit autoritas, & te illud citra omnem cordis haesitationem recipere oportet, & quicquid seruandum constituit, obseruare, si cum Christo viuere mauis, quam cum infidelibus interire. Ecclesia naus illa apostolorum est, quae fluctibus & procellis multarum haeresum inquietabatur, sed dum fideles in remigando laborarent, hoc est, intuenda defendaque veritate fatigarentur, ope adiuti diuina, superiores euasere. Suscepit enim Iesu in nauis, cessauit ventus, & turbines errorum dissipati sunt. Sed obserua quod ad laborantes venit Saluator, non ad desides & pigros & a iustis operibus otiosos. Qui ergo quod per se facere potest, non omittit, facile impetrabit, ut etiam illa quae per se facere nequit, efficiat. Porro primae ab initio ecclesia illa in euangelio parabola est. Homo plantauit vineam, id est deus pater domum Israel, circumdedit eam sepe, custodia munivit angelorum posuit in ea lacum

Marc. 6.

Luc. 20.

siue torcular, id est, legem præceptis vitæ redundan-
 tem ædificauit turrim, id est, templum. Turris quippe
 arx est vr̄bis, ita oratoria nobis munimenta sunt, ad
 quæ confugientes, carnis dæmonumq; impugnationes
 minus timemus, orationis armis accincti, & cæle-
 stis contemplationis fide protecti. Sequitur, Et pere-
 gre profectus est, non discedendo, sed permittendo, vt
 in vtrancq; partem libera sit operandi facultas. Misit
 deinde seruos ad fructus vineæ colligendos. Misit em̄
 prophetas, qui mandatorum dei obedientiam exige-
 rent, sed agricolæ, id est, ludæi proterui, & nullius bo-
 næ disciplinæ patientes, nec dei sui nuntiis pepercerūt
 alium afficiendo verberibus, vt Micheam, alium vul-
 nerando ac perimendo, vt Isaiam, Ieremiam, Zacha-
 riam, & alios non paucos prophetas, neminem pror-
 sus vitiorum suorum repræhensorem æquo animo to-
 lerantes. Post prophetas misit filium suum charissimū
 & vnigenitum, dicens, Reuerebuntur filium meū, non
 quia ignoraret quid facturi essent, sed innuens quid fa-
 cere deberent. At illi, Hic est hæres, inquit, venite,
 occidamus eum. Occiderunt, & eiecerunt extra vineā,
 id est, extra Hierusalem. Extra ciuitatem enim crucifi-
 xerūt dominum Iesum, vel extra vineam, extra Iudæo-
 rum ecclesiam, vt ab ipsis eiectus, exciperetur colēdus
 a nobis. Sequitur enim, Quid ergo faciet dominus vi-
 neæ? Malos male perdet, & vineam locabit alijs, hoc
 est, omnibus in Christum credentibus, tam gentibus
 quam Iudæis, veteribus noua copulans, Christus lapis
 angularis, illa implens, & ista inchoans. Veruntamen
 quantum intersit inter ecclesiam & synagogam, ipsa
 nominum interpretatio declarat. Synagoga Græce, La-
 tine congregatio dicitur. Ecclesia autem conuocatio
 interpretatur. Hæc propria naturæ rationalis, illa eti-
 am ad pecudes pertinet. Itaq; ecclesiæ sicut magis sin-
 gulare nomen, ita dignitas maior & gratia plenior.
 Hæc ergo ciuitas illa, in quam mittuntur apostoli, vt
 domino parent pascha, hoc est, cibum de quo ipse ait,
 Mar. 14. Caro mea vere est cibus, & sanguis meus vere est po-

tus, In ecclesia quippe carni & sanguini domini communicamus, accedentes ad cœnaculum grande stratū, id est ad altare nomini eius consecratum, ut non nostro, quod exiguum est, sed Christi merito vitam consequamur æternam. In ecclesia deo preces offerimus, dicente domino: Domus mea domus orationis est. In ecclesia per baptismum renouamur, & encarnia facimus dum nouum hominem induimur, qui secundum Christum natus est. In ecclesia peccatorum nobis vincula relaxantur. Hæc est enim stabulum illud, in quod homo a latronibus in via vulneratus, curandus infertur. In ecclesia laborantium, in cœlo requiescit, quibus dicitur: Vos autem contristabimini, sed tristitia uestra uertetur in gaudium. Ecclesia est ergo mulier parturiens, quæ (ut in euangelio scriptum est) tristitiam habet, quia uenit hora eius; cum autem pepererit puerum, iam non meminit pressuræ propter gaudium, quia natus est homo in mundum. Tristitia quidem afficitur, dum persecutiones tolerat, siue corporis, siue animi, sed cum ab imis ad superna se transfert, tanto perfunditur gaudio, ut præcedentis angustiarum prorsus obliuiscatur. Quia natus est homo in mundum, hoc est, quia filii ecclesiæ iam immortalitatis natiuitate lætantur, translati de mundo isto corruptibili ad mundum incorruptionis, & de terreno habitaculo ad cæleste regnum. Cuius immensam & ineffabilem gloriam nunc in ecclesia laboribus occupata constituti, cogitatione commiscimus, dum solennia sacra celebramus. Mariam imitando, quæ sedens ad pedes domini, sermonum eius dulcedine pascebatur, ut cum ipsa postea dicere possimus: Vidi dominum, & hæc dixit mihi.

Lucæ. 19.

Iohan. 10.

Lucæ. 10.

Iohan. 16.

Lucæ. 10.

¶ In eos, qui in ecclesia nequiter se habent. Cap. VII.

CAeterum meminisse debemus, illis in ecclesia non esse locum, qui terrenis intenti negotiis, corpus non animum in eam afferunt, ne tunc quidem uanis colloquijs & nugis inutilibus abstinen-

B